



固無怪夫一時宰相王鐸崔彥昭雖有浮譽然非雄  
才鄭畋為政偶合事機盧攜姦回輒相排沮巢寇本  
區區負販乘機鼠竊曾何足以謀大亂正由王室衰  
微姦回誤計高駢宋威爭功翫寇不五六年間攻破  
州郡幾半天下渡江渡淮如越無人之境遂致陷兩  
都汙宮闕宰相稱疾不出天子欬歎大庭乘輿播遷  
投身無所時事浸乖天星示變成交流如織或大如  
杯椀自已丑夜至于丁酉經旬乃止其為譴異抑又  
甚矣僖宗既崩宦人楊復恭立皇帝壽王傑嗣位是

為昭宗天姿明雋嘗以前朝威令不伸朝廷日卑竊  
然有恢復先烈之志尊禮大臣夢想賢豪踐祚之始  
中外訥訥焉然當其時姦臣擅權藩鎮跋扈天下之  
覺鴟張蟠結而不可解一時大臣竭忠排難僅有杜  
讓能一人其他莫不要結藩鎮以固權寵雖孔緯文  
朱亦風靡焉而宦者楊復恭之徒方且恃功驕恣自  
號為定策國老斥其主為門生疾成膏肓不可採藥  
嗚呼漢之將亡天子呼宦官為父母唐之將亡宦官  
目天子為門生時事如此可勝嘆哉故始則張濬覆

軍於平陽增李克用不平之志中則復恭亡命於山  
南啓宋文通不臣之心終則兵交關廄矢及御衣漂  
泊莎城流寓華陰幽辱東內劫遷岐陽崔昌遐無如  
之何更召朱温以討之連兵圍城載罹寒暑御膳不  
足於糗糒主侯蹙踣於饑寒至不得已遣使持密詔  
告難於四方而遠近諸鎮曾不聞一人惻然赴難者  
則是舉四海之大皆不復有唐之天下矣事勢至此  
瓦解土崩悲夫哀帝之時天祿已去民心已離盜賊  
編於寰區蓬蒿塞於城闕漂泊幽辱寄命諸侯司馬論

當是時以璽綬與人而不以為不可勸進賊庭而不以為羞以揚涉為人恭謹觀其始入相之時對其子有不辛之語及持國寶授賊則駭其子有勸止之言喪厥良心甘就六臣之列容齊迹當時羣臣之所為非特有愧於萬世之清議視殿下之孫供奉亦愧死入地矣幕府燕聞唐昭宗時有猴善拜跪每朝謁猴亦殿下拜敬盡禮號孫世未朱溫墓位有言今猴朝拜稱賀望見殿上乃溫也即號哮不肯拜伏温怒乃殺之唐室之亡宜哉唐之立國凡二十有一世彼利切九十年而亡起高祖即位戊寅凡四甲子又四十年唐有天下雖歷二十君然年迄天祐四年丁卯而七

為子所逼奪者三焉為婦所為者三焉為賊所篡者五焉為妻所弑者一焉為臣所立者七焉為所弑者三焉為所廢者一焉為方士所敗者七焉為強臣所殺者二焉不為小人所惑者僅得一二而無全德者矣其治效亦亞於兩漢而賢君如是之少何也致堂嘗見昔三代之君莫不修身齊家以正天下而唐之人主起兵而誅其親者謂之定內難偪父而奪其位者謂之受內禪始也納君之妾高祖其後納父之妾者有之高宗始也亂弟之婦太宗其後亂子之婦者有之元宗此其

閨門無法不足以正天下亂之大者也其治安之久  
不過數十年或變生於內或亂作於外未有內外無  
患承平百年者也唐鑑前輩有云唐源流於夷狄故其  
閨門失禮之事不以為異海庵語錄良以是夫攻論三代  
而下漢四百年唐三百年享國最為長久其間治勢  
亦可得而聞乎曰漢大綱正唐萬自舉惟其治具皆  
不無可觀然漢治雜霸唐治雜夷說齋精義其治體之危  
馭視三代懸絕矣自唐之亡其遺酷餘烈更五代五  
十餘年至於天下分裂大敗極亂而後止當是時社

稷安危懸平伍朝廷輕重視藩方御康節五代詩天下紛紛  
擾攘不已人生斯時亦可謂甚不幸焉

五代

五代始於梁梁始於朱温温本碭山一民為黃巢賊  
黨力屈來降王鐸和崇獎過分既受同華節鉞不因  
立功朝廷又與宣武等重鎮寵過而驕貪心未歇志  
欲侵陵遂行篡弒考其所為直巨盜耳篡國之後刑  
虐不悛賊殺無辜不念聚麀之恥温亂友文婦釀成友珪  
之禍友珪不安未及七年其子屠之如机上肉殆與

祿山無異回視前日殺迫之慘天之報之足稱其施  
可畏也夫夫均王友愛真溫誅友珪而嗣立以義討賊  
成功固宜然梁之稔禍非一朝夕天將廢之誰能興  
之況均王膏梁之子才不逮人寵任趙張擯棄故李  
賣官鬻獄貨賂公行政事不修威權日縱唐兵一麾  
宗廟遽滅是非李亞子宗莊用兵之善乃梁之自不善  
耳夫朱三起自降盜遽擁旌旄小人負乘貪欲無厭  
圍迫天子害朝臣殺蔣玄暉柳華殺太后何勳諸王德王裕  
弑二帝昭帝哀帝移社稷迹其罪戾盡南山之竹有不足

書者王莽以來一入而已而凶殘淫穢抑又甚焉此  
難以魯相鄭厲斷矣作史者宜於唐亡之後直書未  
溫去其國號一如王莽予以正其篡弑之惡亦庶幾  
稍快於人心者而乃泛引春秋之義書而君之謂春  
秋於大惡不誅絕焉嗚呼使春秋於大惡果不誅絕  
則是有心於存惡也為春秋而存惡孔子何人哉梁  
之僭國凡二主一十七年而唐莊宗滅之起丁卯莊  
宗之興唐本於李克用克用雖沙陀微種奄有河東  
巢寇之平功為諸將第一上源之變訴于朝廷而不

徐刻本純臣作  
藩臣後同

獲伸遂與賊梁治兵相攻積年不解然安於爵列為  
唐純臣每有除吏耻行墨制必表聞朝廷觀其答蜀  
王書曰擔此一生靡敢失節此其忠義上通于天賢  
於一時方伯遠矣故先儒稱其得人臣之體孫庸述  
其忠義功烈為唐末第一流致蓋以此也作史君子  
於賊梁篡唐之後每克用舉事必特書唐晉王克用  
云云亦庶幾可以明克用素志矣今乃不然於賊梁  
則進之以帝號而不疑於唐純臣則斥之以入寇而  
不恤冠履倒置邪正悖戾其何以為訓哉莊宗以弱

免逋負之錢免逋負者三百萬緡絕音樂之好而裁伶優薄口

體之奉而省庖厨戒田獵之為民害而縱鷹犬惡冗

員之費而罷有名無益之使恤民力弊於轉輸而遣

諸軍就食近畿戒橫斂斥私獻而抑牧守進奉致因

渾公兒之失刑減贖十日以謝幽冤仍戒諸道以謹

決遣容齋三筆見薛居正五代史頭歐陽史去之此數者王者事也而英

明雄達如漢武帝唐太宗猶不能之明宗夷狄之人

且目不知書而其所為暗合古訓有如此者其賢益

尚矣作史者不惟不能表其實且或從而去之

唐史子下

徐刻本純臣作  
唐臣後同

獲伸遂與賊梁治兵相攻積年不解然安於爵列為  
唐純臣每有除吏耻行墨制必表聞朝廷觀其答蜀  
王書曰擔此一生靡敢失節此其忠義上通于天賢  
於一時方伯遠矣故先儒稱其得人臣之體孫卿述  
其忠義功烈為唐末第一流堂蓋以此也作史君子  
於賊梁篡唐之後每克用舉事必特書唐晉王克用  
云云亦庶幾可以明克用素志矣今乃不然於賊梁  
則進之以帝號而不疑於唐純臣則斥之以入寇而  
不恤冠履倒置邪正悖戾其何以為訓哉莊宗以弱

免逋負之錢免逋負者三百萬緡絕音樂之好而裁伶優薄口

體之奉而省庖厨戒田獵之為民害而縱鷹犬惡冗

員之費而罷有名無益之使恤民力弊於轉輸而遣

諸軍就食近畿戒橫斂斥私獻而抑牧守進奉致因

渾公兒之失刑戒贖十日以謝幽寬仍戒諸道以謹

決遣容齋三筆見薛居正五代史頭歐陽史去之此數者王者事也而英

明雄達如漢武帝唐太宗猶不能之明宗夷狄之人

且日不知書而其所為暗合古訓有如此者其賢益

可尚矣作史者不惟不能表其實且或從而去之

張以為五代之君豈非闕典哉致是以夜在宮中焚香祝天願蚤生聖人為生民主其精忱所發感通天地在位八年有年之書兩見于冊為近世罕有民生斯時蓋亦幸而休息焉故前輩稱其為人純質歐陽文忠性不猜忌司馬公美善頗多致蓋以此夫惜其以戲殺從璩子從璩而無父子之恩以誣殺重誨姓而無君臣之義年幾七十諱言儲嗣眷戀把握不肯去手卒致從榮稱兵驚亂官闈父子祖孫一日而絕從榮及其子身肉未寒家國俱破雖曰輔相非人亦不俄而帝崩

杜稷立其後裔此上策也縱不能然則俟賊梁既滅正其罪戾然後播告天下稱尊御事以紹唐統雖曰不正亦庶幾有以自別於一時紛紛盜賊之徒者矣今乃棄張承業之忠言聽吳蜀之佞說不待滅梁已即帝位而居之為善不終致無以異於一時之僭取者焉此其欲速不達見小利則大事不成居位二年身死國滅其有故夫嗣源本夷狄之人為莊宗養子初無黃屋之心遭時之亂邂逅得國是為明宗自此以來主天下者又一氏姓也而克用亞子裔嗣三此

已絕作史者於此宜書曰莊宗之唐亡然後別嗣源  
姓系表而著之斯實錄矣觀其蒞政之初斬孔謙而  
去苛法誅宦寺而委宰相令百官以行轉對選文學  
以共政事命諸道以均民田廢內藏庫四方所上物  
悉歸之有司歲嘗早暵已而暴雪詔無得掃曰此天  
所以賜我也數與宰臣馮道等言米穀賤民無疾則  
欣然曰當與公等作好事以答上天誅賊吏以示蠹  
民之戒褒孫岳以化清廉之風而又遠女色而減後  
宮之負止留百人懲閹寺而損宦者之數留三人念民力而

年嗣伯塵下諸將皆白首行陣之人乃能以恩信結

其心英果折其氣莫不竭力盡命願指如意遂服真

定并山東取漁陽兼魏博策馬渡河而梁寇殄滅當

是時諸侯陸梁踞肆者皆駭愕相顧莫敢保其土地

王衍恃其險遠辭禮踞慢偏師西指而劍閣不守觀

其所為可謂壯矣惜其滅梁之後氣驕志小矜功自

喜用宦者為監軍以伶人為刺史陳俊備德源悅姦諛之

輩任亡國之人以故蜀樂王嚴旭為刺史貸民錢恣游獵甲申

聖百獵采民女納于後宮借二稅預借河南造樓觀殺

臣史不絕書綱性酷好伶優恣其出入狎侮縉紳壽  
臣憤疾莫敢吐氣至有反相結托以希覬恩賞者李  
天下子之號披襟當之至於批頰而不恥此乃小人下  
流之態豈可以負乘南面之上哉弒於門高高名從名也  
焚以樂器蓋其自取作史者於其被弒也以伶人郭  
從謙表而出之綱所以為後世鑒戒也昭昭矣夫晉  
王克用艱難經營天下沒身猶為唐臣亞子自立亦  
已數年三矢告廟志願咸畢其不改久志誠可尚者  
莊宗果能繼父之志有忠唐之心則勦除巢寇復唐

學所致夫潞王本王氏為明宗之養子僥倖以奪人  
之國蓋至是而國姓三變焉方其入洛許軍士以人  
賞直緡及其至洛府庫枵然金帛不贏三萬顧乃措  
剝聚斂括民財而給之民心怨嗟思亂者眾其始也  
戕民以買國其終也民散而國亦從之矣使其末年  
無石敬瑭跋扈吾恐反叛弒逆之人唐主從厚立潞  
王後珂舉兵唐  
討之軍潞王入洛陽廢其主亦不能久有國於天地  
從厚為鄂王而自立尋殺之  
間也而况奪敬瑭之節度殺敬瑭之子第敬瑭前河  
東節度改  
太子敬瑭拒命遂以自促其亡也哉唐之為國凡四  
殺其子第四人

主三姓一十四年起同光元年未潞王丙申而晉取之焉晉石敬瑭

塘以唐朝禁嚮之親地尊勢重迫於猜嫌請兵於契

丹賂之以土地而取人之國迹其以中國之君而屈

身於夷狄玩好珍異旁午道途小不如意譙責繼之

當時朝野莫不痛心而敬瑭事之殊無赧色夫以古

人行一不義殺一不辜得天下猶不為而况附夷狄

以伐中國又從而取之者乎作史者書晉於契丹之

事則曰晉上尊號於契丹書契丹於晉之事則曰契

丹加晉主尊號所以著中國夷狄首足倒懸之極其

惡契丹而賤敬瑭也甚矣綱目齊王捨系維翰之忠謀

信景延廣之狂策內政不修而外挑強胡自陽城一捷

之後顧謂國勢無虞驕奢益甚四方貢獻皆歸內府

廣置宮室崇飾後庭賞賜優伶多寡無算委任馮玉

倚勢弄權賂遺輻奏朝政日壞當早鯉水潦國脉如

綫之時方且今年遣使括民穀明年遣使括民財迨

夫契丹入寇境內皇皇猶調鷹苑內排沮人言遂使

哭聲振天橫屍蔽野其君束手就縛其臣計籌伏辜

迹其人謀豈不幸哉夫以晉之立國絕滅三綱屏棄

五常報叔母為妻而夫婦亂矣左傳 淫季 父妻 日報尊蠻夷為

父而父子亂矣為中國主臣於契丹而君臣亂矣三

者既失中國已淪胥為夷不待契丹主服赭袍坐崇

元殿令百官行入閣禮而風聲氣習之來侵已非一

日矣此蓋人道之大變中國之巨禍至使斯人與禽

獸雜處而又罹其害焉詎容以常理斷哉晉之立國

二主一十一年起夫福元年 丙申 丙午契丹滅之而漢興焉漢

起於劉知遠擁精銳之兵居形便之地屬胡騎北還

中原無主不動聲色據南面而君之蓋非幸禍而興

逆乘時而作也故一聞晉昭之稱帝而陝晉諸郡爭

殺契丹使者遣使奉表稱歎之不服中國之正氣藉

是得以少延亦可謂幸矣然知遠素非掃除暴亂之

才又無積行累仁之德偶然得之已無所憑藉而况

其始入洛陽遣使者殺從益及八大梁制盜賊賊無

多少皆死所為若此其能久乎隱帝雖有君天下之

號而政非已出民不知君自三叛既平日曠日縱郭

允明以諂媚而得幸王章以聚斂而掌財一二年間

太白晝見日食月朔大風示變史不絕書而方且無

太白晝見日食月朔大風示變史不絕書而方且無

故屠其大臣獸窮則搏自殞其軀父子相承四載而  
 滅自古之享國未有如此之促者也漢之立國凡二  
 主四年而周取之焉起丁未訖庚戌周興於郭威威兩弑其  
 君漢主承非篡取大位得國之初罷貢獻珍食碎後  
 宮實詔百官上封事又立訴訟法定稅牛皮法罷  
 營田務立租牛課又謁孔子祠躬拜其墓當此亂離  
 之際善政迭書况有王峻以贊軍事有范質以守法  
 度有李穀以道上意雖享國日淺而施為有足稱者  
 故先儒稱其為唐明周世之亞及蓋以此耳然帝既

已文身而甘心後夷而又偃然自處天位身體髮膚  
 受之父母雖小人亦以毀傷為忍况帝既兩面為君  
 冒然自處曾無忤容則是黃屋之中居一燕人耳何  
 以令天下眾庶乎觀帝語劉崇曰自古豈有花項天  
 子則帝之自處亦甚明矣世宗以柴氏子入繼大統  
 蓋至此而周之國姓一變焉即位之初憤然欲削平  
 天下蓋念亂甚而望治切真中原之主也深知近世  
 之弊起於威令之不行上陵下僭高平之役首誅樊  
 何以正軍法革五十年之弊政遂能變弱為強因敗

為功乘勝逐北至於太原歸而簡兵整衆銳意進取  
於是南割江西克秦鳳北取三關威武之聲震響夷  
夏應機發策出人意表其伐南唐問李穀以計策後  
克淮南盛毅疏以錦囊賞之坐右英武之才可謂雄  
傑又勤於為治有司簿籍過目不忘發奸擿伏聰明  
如神閒暇則召儒臣讀前史商榷大義性不好絲竹  
珍玩之物羣下有過輒面責之服則赦之有功則厚  
賞之文武參用各盡其能方且與王處訥竇儼之徒  
修通禮正刑統其制度文為皆可施之後世而又以

信令御羣臣以正義責鄰國王環以不降受賞劉仁  
贍以堅守蒙褒張美以私恩見疎嚴續以盡忠獲存  
蜀兵以反覆就誅馮道以失節見棄此其好惡固不  
凡矣况當是時王朴實佐之朴雖出於五季紛擾之  
中然明敏多才非獨當世之務通曉雖至陰陽律歷  
靡不究心所定敬天曆當時莫能有異所考正雅樂  
訖今行之不改當其為帝畫平邊之策曰攻取之道從  
易者始意以吳為易圖并為強敵欲先取吳而後取  
并及我宋受命平定四方削平僭偽皆不啻契券之

合其君臣相得近世以來未之有也是以即位之明年廢天下佛寺三萬三百八十六以佛像鑄錢嘗夜讀書見唐元稹均田圖乃詔頒圖法於天下使吏民先習知之期以一歲大均天下之田其規摹豈小小哉通鑑又五代史迹其注意元元留心邦本於五代十二君之中獨稱為最故致堂云五代十二君而世宗為最漕運給耗慮倍輸也保任令錄防貪穢也冬役春罷恐妨農也立兩稅限知早征之為害也設科取士知吏治之有方也併鄉置團耆絕公皂之侵漁也積貸不責償欲下

沾實惠也親臨御苑以錄囚徒恐獄多密民也蓋自唐宣宗之後政不及民將百年而後世宗出以人君之德行不忍人之政蓋嘗與將相食曰連日之寒朕深愧無功於民而坐享天祿惟親冒矢石為百姓除害差可自安耳又命刻木為農夫織婦置諸殿庭以示務農重本之意致堂亦可謂賢主矣獨惜其左右無勸學之臣欠格心事業故於人道之間亦未免多有悖矣者符氏為李崇訓之婦夫死家破豈足為天下母帝則納以為后而夫婦之倫不正柴守禮為帝本

生之父不能迎致京師奉養盡禮至使犯法殺人莫  
可詰問而父子之道有虧又其用法太酷綱目群臣職  
事小有不舉徃徃寘之極刑竹奉璘以捕盜不獲而  
誅孟漢卿以監納取耗而誅張順以隱落稅錢而誅  
此猶可也陳握之檢田失實康儼之橋道不謹符令  
先之袍襦不辦侯希進之不奉使者命檢視覆苗孫  
延希之督修永福殿而役夫有就瓦中噉飯者其罪  
皆不至死而徃徃加之極典略無顧惜之意薛居正  
舊史悉書而備載之以見其不能不為盛德之累容齋

良可恨夫恭帝以區區孺子纂承大統不足以當皇  
天之眷命然真人德業日隆已為天下所歸戴則其  
重負安得而不釋乎周之為國凡三君兩姓歷九年  
辛亥而宋興焉然則五代之君更十有二其可稱  
已未者幾何曰昔者聞諸先儒曰五代之君周世宗為上  
唐明宗次之其餘無稱焉致堂可謂篤論矣或曰五代  
之間四方割據其正統所在若何曰作史者當有書  
法矣起自梁之丁卯訖於周之己未止書甲子不具  
建年其意甚微矣歷攷五代之世正如中夜晦冥孤

山窮谷之間鼯鼠鴟鴞狐狸鬼魅何物不有故有以盜賊而君天下者朱梁是也有以夷人而君天下者後唐晉漢諸君是也有以黥卒而君天下者周郭威是也有以丐者之子而君天下者唐明宗潞王與周世宗是也其變之大者則同姓之嗣斃於刀鋸殺戮而不恤盜販夷人之裔則養為已子使紹大統而不顧中國之君已之所嘗北面而委質者則叛逆篡竊無所往而不為夷狄之主中國之所當拒而絕之者則稱父稱君誣其卑諂而莫之恥首足倒懸冠履逆

置自有書契以來其禍敗之酷滅亡之速未有甚於斯者此蓋否之窮剝之終困之甚物之極而將返焉是以前紛紛迭起黥髡盜賊突覓魏我者非但一國吳揚行密之據廬統二十八州自唐昭宗天復二年封王至晉高祖天福二年凡四世三十六載而李昇取之楊行密楊溥前蜀王建之據成都統四十八州自唐昭宗天復三年封王至後唐莊宗同光三年配凡二世二十三載而莊宗取之王建楚馬殷之據潭州統州二十三自唐昭宗乾寧三年丙辰為

刺史至後周太祖廣順元年辛亥為李景所取後希崇

又以揚州歸于世宗凡六世五十六年而亡馬殷馬希聲馬

希範馬希崇閩王審知之據福州統州者五自唐

昭乾寧四年為節度使至晉出帝開運三年丙午即李景保

大也為李景所取後其將李仁達以福州降於吳越

凡六世五十年而亡王審知三延翰王鏐王昶王延政後蜀孟知

祥之據成都統四十六州始於後唐莊宗同光之三

年孟知祥孟昶孟昶四十年而王師克之時宋太祖乾

德之二年也南漢劉隱之據廣州統四十七郡始於

梁太祖開平之三年凡五世六十二年而王師平

之時宋太祖開寶之四年也南唐李昇之據金陵

統州三十五始於晉高祖天福之二年也凡三世

三十九年而王師滅之時宋太祖之開寶八年也刻

南平高季興之據荆南統州者三始於梁太祖開平

之元年也凡五世高季興高從誨高保融高保勳高繼冲五十七年

以宋太祖之乾德改元癸丑朝于京師矣吳越錢鏐之

據抗統州者十三始於唐昭宗乾寧之二年凡

五世錢鏐錢元瓘錢佐錢宗錢德八十四年以宋太宗興國之三

係做

載成入于京師矣北漢劉崇之據太原統州者十二  
實後周太祖廣順之元年也凡四世二十九年以宋  
太宗興國之四載又歸于京師矣百年之間日曩冥  
濛衆星競耀偏方下土竊號僭名山川隔絕風氣不  
通其自相驅除不過一兩國其他竊處爭雄之輩至  
我宋龍興不二十年而天下定于一詩云紛紛五代  
亂離間一旦雲開復見天草木百年新雨露車書萬  
里舊山川於戲盛矣歷攷帝王授受之次脩論古今  
治亂之原盛衰相禪沿革相因具在全史更僕未易

竟也然天地之大經斯人之大倫中國夷狄之大分  
為天下國家之大本大約不外此矣後有揚子雲則  
是書未為少也不然不妨以覆瓿云

宋

廬陵晏彥文

續著

太祖皇帝趙匡胤起介冑之中踐九五之位原其得  
國雖由衆心推戴視漢周其遠及其發號施令名藩  
大將俯首聽命四方列國次第削平此非人力邪觀  
其解藩鎮兵權繩賊吏重法以塞禍亂之原州郡司牧  
下官慕職躬自引對勸農興學惜罰薄歛與世休息  
迄於至平治定功成制禮作樂聲明文物之治道德  
仁義之風可謂規模宏遠矣太宗篤前人之烈成未  
集之勛洪進納土錢氏入朝劉繼元之遁寇歸命嗣

庭於是并包四海混一六合子河漢之勝破旗表之  
膽烏白池之捷挫夏人之氣中外寧謐偃武修文禮  
樂文章煥然可述其沉謀雄斷儉勤納諫憫農恤刑  
崇德尚義遇災知懼過舉能悔是以民窮而不忿兵  
罷而能戢惜上負杜后遺訓太祖大漸事有可疑涪  
陵武功死有餘憾豈盡出太宗本心哉實趙普陰贊  
之也難逃後世之譏焉真宗守已成之業政從簡易  
作七條以賜文武臣僚分三等以察官吏能否承平  
日久物阜民安任賢使能政修事舉澶淵却狄之後

十九年偃武修文惜謬信丁謂之讒言貶斥寇準輕  
聽王欽若之怪誕僞降天書貽笑萬方有虧聖德仁  
宗恭儉仁恕敬天重民賢俊滿朝忠言進用常服浣  
濯之衣不極膏粱之味親決疑獄歲活千人吏詔用  
刑終身不序吏治若媮媮而政無貪殘刑法似縱弛  
而獄皆平允國豈無嬖倖而不傷治體朝雖有小人  
而不勝善類君臣一德忠厚惻怛足稱仁君英宗滌  
安懿王之子以聰明仁孝之資膺曆數在躬之命耽  
玩經史不樂宴遊服食儉素悅服人心臨政必問故

事與古治所宜處事詳刑出人意見表惜天命不遠神  
器弗終神宗雖厲精求治不事遊畋克儉克勤將有  
所為然熙寧之政誤於王安石行青苗保甲保馬助  
役供輸之法黜老成排群議惡正直悅輕浮呂惠卿  
之徒朋邪黨輔毒害生民消耗國脉妄興西北之兵  
安西喪師永樂敗績天下搔動肇靖康之禍亂惜哉  
哲宗以幼冲踐祚宣后臨朝召用司馬光呂公著拔  
蘇轍斥蔡確章惇罷王安石新法元祐之政人稱女  
中堯舜宣后既崩章惇大用八關五鬼之號猖獗縱

橫假紹述以反前政騁姦惡以陷良善黨籍禍興國  
事非矣徽宗性資聰敏博究羣書非若晉惠之愚孫  
皓之暴亦無曹馬之篡其失國也特恃其私智小慧  
用心一偏疎斥正人狎昵姦佞蔡京以猥薄巧佞濟  
其驕奢林靈素以怪誕虛無資其放蕩朱勔以崇飾  
游觀竭夫民力君臣逸豫廢弛朝綱童貫用事又集  
兵勤遠稔禍速亂遂至亡國辱身與石重貴同科皆  
由玩物喪志縱欲敗度而然可不戒哉欽宗雖無失  
德苦乏良謀聽信讒諛之言拒絕忠諫之路六賊可

誅而不誅宗澤李綱當任而不任致萬乘於俘囚得  
九廟於劫燼犬羊腥穢於中原父子委身於絕漠自  
古亡國未有若此之甚也自太祖至是凡九帝共一  
一百六十七年是為北宋汴京既陷二帝北狩徽宗  
第九子康王即位南渡都于錢塘是為高宗恭儉仁  
厚以之繼體守文則有餘撥亂反正則不足當其初  
立因四方勤王之師內相李綱外任宗澤中興恢復  
之事且無不可為者顧乃播遷窮僻坐失事機始惑  
江表終制於秦檜罷趙鼎張浚而罪岳飛匿怨忘

親偷安忍恥貽譏後世悲夫孝宗以宗室秀王之子  
太祖七世孫體大舜受堯之道述下武繼文之聲置  
恢復局覽華夷圖建國用使開都督府其復中原吊  
遺黎之志昭然可見惜無賢相佐助之以經營北方  
之議幸當時士大夫尊尚程氏之學善類多所引進  
朱張呂氏四方師宗南使至北必問朱先生安否值  
金世宗賢明通好易表為書改臣稱姪減去歲幣少  
休民生人君能盡孝道帝其至乎光宗幼有令聞嚮  
用儒雅續承大統總攬朝綱用賢屏姦寬刑薄賦育

可觀者不幸宮闈悍妬奄寺專權驚憂成疾孝道有  
虧天位遂不正矣寧宗恭儉守文初年以舊學輔導  
之恩召用黃裳羅點再召朱熹侍講政事脩舉中更  
佐甯當國負定策勛內蓄姦邪指正為偽外挑強隣  
流毒淮甸仇冑之首雖梟國體之虧莫輔彌遠擅外  
權揚后竊內柄拱默不能自強惜哉理宗以宗室希  
壚之子太祖十世孫為彌遠所立束手受制蔡州之  
後可以雪先世之恥顧乃貪地棄盟事覺隨起兵連  
干絃欲怠於政事權移姦臣

以致於此然嘉定以來正邪實亂國事靡定自即位  
黜安石而尊周程表章朱呂丕變士風興崇道學使  
後世知理學之可以復古帝王之治其功不少矣廟號  
曰理宜哉度宗即位之日賈似道不學無術專權挾  
私夸功結怨欺天罔上賣國召兵喪師費財疆土日  
蹙帝承大統拱手權姦而荒于酒色國事茫然衰益  
盛矣少帝際天運傾頽權臣叛將望風迎降母后三  
宮辱身俘虜文天祥陸秀夫張世傑鞠躬盡瘁無計  
保全效義摠忠收宋三百年養士之效於是為不爽

也時德祐二年少帝至上都宋亡陳宜中陸秀夫張  
世傑等共立益王為帝即位福州是為端宗明年帝  
崩于碭州陸秀夫立衛王為帝是為帝昺皆不久史  
載則自少帝德祐而止自高宗建炎至是凡七帝一  
百五十年是為南宋自太祖建隆至少帝德祐凡三  
百一十七年與宋相為終始則有遼金為最強盛遼  
太祖阿保機其先國於鮮卑號契丹曰大賀氏八子  
名八部大人歲推一人為主有邵固者唐開元中詔  
許讓王後梁時諸部推太祖為主并奚匈奴種渤海靺鞨

鞞諸國僭帝號妻述律氏勇決權變預贊兵機漢使  
韓延徽有智謀任為國相教以建牙開府築城立市  
十載而殂子德光立是為太宗天性孝謹石敬瑭來  
歸太宗親將伐唐冊立敬瑭改國號曰遼制放中國  
大舉伐晉滅晉而殂從子兀欲立為世宗荒于酒色  
述律后發兵攻之幽閉母后國人不附會北漢擊周  
遇燕王述軌弒帝立母后是為穆宗遊戲酗酒嚴忌  
少恩不理國事醉殺庖人被弒兀欲之子賢立為景  
宗封政事令高勳秦王蕭守興魏王議朝事納守興

女為后帝風疾子隆緒立為聖宗大舉伐宋至澶州  
與真宗議和納歲幣病劇戒其子母皆盟子宗真立  
為興宗與宋仁宗通好不興兵衅十有四年而性佻  
悅夜與樂隊遊酒肆寺觀尤重浮屠子弘基立為道  
宗而宋神宗任王安石置將河北帝疑而遣使爭地  
界雖疾又成與兵孫延禧立即天祥刑賞僭濫好淫  
畋女真東北五國出名鷹曰海東青遼人歲求之女  
真甚苦遼將貪求母厭女真酋長阿骨打起兵延禧  
親將大敗女真乘勝取五十四州阿骨打自稱大金

皇帝明年破遼上京陷東京延熹奔雲中留燕王淳

李處溫守燕淳殂淳妻立蕭幹宋與金合兵破燕傳

國九世一百七十一年而亡史畧注自梁均王貞明

和七年乙巳凡二金主武元名阿骨打父太師楊割

百一十年而亡仕遼以蕭解里餘眾統女真部落承楊割富庶之餘

延熹荒淫之際力農積粟牧馬練兵遂蓄異謀逞其

智力南攻北掠乘勢并州郡撫軍民遂稱皇帝王姓

本完顏氏猶名昊破遼之後南北講和楊朴議以燕

京州郡歸宋粘罕難之曰海上盟不可忘也我死汝

為之自是日以酒色為娛荒于國政六年而殂有子  
八人不立而立其弟太宗隆準龍顏素有謀計性暴  
殘忍抑服兩近制以兵威滅遼後氣勢愈盛虎視中  
原假以平州張穀之叛渝盟啓衅遣兵伐宋一戰而  
陷汴京帝后妃嬪金寶圖書子女器皿皆挈而北粘  
罕兀术恃開國功桀黠難制居位拱默而已熙宗以  
武元嫡孫太宗鍾愛惜其淫虐晚益暴厲宗族大臣  
危懼不安相與結約伺間謀逆宋使宇文虛中佐其  
開科舉定官制惜不善終收王亮性好讀書過目不

忘延接文儒講論典禮慕江南衣冠文物遷都汴京  
以法馭下酷於用刑恭君殺母累年與兵自采石一  
敗憤悶而殂世宗哀亮仁大度歷事兩朝心厭干戈  
荼毒南北講和三十年兵刃寢弛戶口殷繁府庫充  
實北方稱小堯舜傳之章宗璟崇尚文儒講論經史  
事不自決信任大臣惜朝政咨於內侍江淵趙宸妃  
裁決朝夕宴遊不親國事鄭王叛於內邊鮮開於外  
蒙古興兵國勢危矣世宗子衛王即位蒙古兵益盛  
奄有山東兩河頻年盜起京城兩圍有紇石烈執中

之變豐王珣以世宗長孫既親且賢立為宣宗驅馳  
兵革無有寧時太白經天災異迭見遭家多難飲憤  
而崩子義宗繼立於茲撥攘之際雖能觀農薄賦尊德  
任賢然以十數州之地不能抗方張之師徒趨秦州  
計窮糧絕力乏不能支閉閣自經傳國九世一百一  
十七年而亡史略徽宗重和元年戊戌稱帝西夏古  
至理宗瑞平元年甲午金亡

涼州李氏居之尋興一爵西平王靜海軍節度使子光  
獻光獻子繼筠繼休繼遷繼勇悍有謀叛宋太宗  
賜繼俸姓名趙保忠使圖繼遷久之繼遷降賜名保  
吉兄弟變詐叛服不常真宗時繼遷子德明襲封西  
平王仁宗時德明卒子元昊襲兇鷲猜忌通漢文字  
常諫勿臣中國德明不允元昊後叛醜殺其母僭稱  
大夏皇帝并諸羌十四州居興州依賀蘭山阻河為  
固膠擾西邊復稱臣冊夏主名曩霄歲賜銀絹茶絲  
元昊子諒祚諒祚子秉常累交兵復和而納貢哲宗  
時初叛而復和南渡後金兵隔絕無聞交趾號南平  
王又改皮南五代末國主吳昌文受南漢爵靜海節  
度使安南都護昌文卒其將吳處坪爭立有丁部領

與子璉破處坪自領兗州號萬勝王宋封交趾王太  
宗時璉卒其下黎桓廢瓊稱交州晉後真宗封南平  
王桓卒子龍鉞嗣弟龍廷弒之自立宋封之錫名至  
忠至忠二弟明安明昶爭立其下李公蘊殺之自稱  
留後入貢封王仁宗時子德政嗣儂智高反德政請  
助征德政卒子曰遵嗣神宗時曰遵卒子乾德嗣王  
安石出師征之大舉寇邊郭逵討之乾德降高宗時  
乾德子陽煥立其後曰祚曰龍翰曰昊昆昆皆父死  
子繼先有閩人陳京三國五州婚得政暨子承繼執國

柄傳子威冕傳子曰照改名曰烜臣于元氏大明永  
樂五年其賊臣黎季犛篡其主自稱乃命英國公戚  
之撫安其衆丕變夷狄之汙風立為布政司高麗居  
開州號開成府其主曰治稱賢全國俗尚儒釋官制  
倣中國後其主曰徽享國三十八年仁恕賢明子曰  
宣王運賢而明好文學內行修飭賈人市書潔服焚  
香對之南宋猶通好後因附金隔絕以樂浪為東京  
百濟金川為西京統郡百一十八縣三百九十洲島  
三千東西二千里南北千五百里依山為宮山曰神

高多茅茨少陶瓦恃鵝綠水為險固原夫宋初五星  
聚奎篤生賢哲或調燮元氣以匡扶國家或得授道  
統以維持綱常若韓琦富弼杜衍范仲淹文彥博歐  
陽脩司馬光呂公著諸公位登台鼎論道經邦共成  
慶曆元祐之治周敦頤程顥程頤張載邵雍朱熹呂  
祖謙張栻諸公身任儒宗傳道受業繼往聖開來學  
共致雍熙夫何天津啼鵲氣兆垂辰王安石以曲學  
偏見得時得君收攬利權變亂國法矯詐慢上陰賊  
害物而章惇邢恕蔡京蔡卞之徒黨附姦軌讒害忠

臣興起黨獄高宗南遷秦檜韓侂胄專權時  
誤國欺君排擊善良構為學黨禁孝之  
如尊崇儒  
引進善類南使至北必問朱先生安否  
人桓靈以幼  
冲之年政在外戚宦官不由已出而  
做聰明之主  
乃惑志姦邪陷害良善何其謬哉亡國之禍自己求  
之何辜於人東漢之亡猶幸以名節之遺風漸於人  
人亂臣賊子盤桓希冀而不敢發者畏名義也宋雖  
南遷亦幸道學之遺教化及夷狄少延國祚百五十  
年善人君子有益國家如此吁君子何負於國家而

罹黨禍小人何嫌於君子而構黨名黨禍之興小人之幸小人之進君子之憂而不知黨禍者乃國家之禍基君子者為小人之仇敵國家之治君子道長小人道消國家之亂小人道長君子道消君子之進也難而退則易小人之進也易而退則難於是知君子小人之進退實關夫國家之治亂也元氣蠹蠹之喻可不深省之哉真宗恥契丹澶淵之盟心常怏怏王欽若謬請封禪以誇夷狄謂封禪當得天書之瑞如河圖洛書聖人以神道設教又請賄王旦上語旦曰

欽若言去冬見神人言當降天書大中祥符三篇今承天門南角有帛緘如書蓋天所降也旦等稱賀孫奭獨以為非改元大中祥符自是天書屢降迎至宮觀安奉登泰山封禪作玉清昭應宮二千六百一十區上又及趙之始祖乃軒轅黃帝作景靈宮以奉聖祖諸州置天慶觀孫奭石普請罷天下醮設省錢七十萬張詠言竭民財造宮乞斬丁謂徽宗在位日久習驕奢好仙術賜方士王老志洞微先生王仔昔通妙先生林靈素通真達靈先生靈素言天有九霄神霄

最高其治曰府神霄玉清王者上帝之子主南方號  
長生大帝君陛下是也左元仙伯者蔡京是也文華  
吏者王黼是也園苑寶華盛章王革是也鄭居重賈  
皆有其名而已即褚慧下降佐帝君之治以劉貴妃  
為九華玉真安妃立道學大學置內經道德經莊列  
博士二員作上清寶錄官冊命為教之道君皇帝加  
靈素通真達靈元妙先生張虛白通元冲妙先生安  
言火龍神劍夜降內宮託天神臨降上帝誥天書靈  
篆賜靈素視中大夫出入訶引與諸工爭道其徒美

衣王食者二萬人作道史置道官道職有諸殿侍  
校籍授經以擬待制修撰直閣更佛號為大覺金仙  
僧為德士寺院為宮觀追封莊周為微妙元通真君  
列禦寇為致虛觀妙通真君配享玄元皇帝宣和二  
年罷道學黜林靈素靈素初與道士王允誠共為神  
怪之事後忌允誠輒已毒殺之益肆橫恣道遇太子  
弗避太子入訴帝怒斥還故里尋安置楚州而卒遂  
復佛寺僧尼而國事非矣兩宮俘虜九廟立墟委骨  
胡沙沉魂絕漠視神霄玉清為冥莫之鄉道君皇帝

反為昏德之稱於是異端邪說判然而明聖賢大道  
脩齊治平之效千萬年不可以廢嗚呼秦皇漢武漢  
明梁武唐憲宋真徽皆聰明豁達英偉之君非如秦  
二世晉惠帝之昏庸愚昧而惑於異端之說矧中人  
以下之質鮮不為其愚弄瞽惑耶故列之史鑑之終  
上自人君下至公卿大夫士庶人皆可以為鑒

元

太祖姓奇渥溫氏名鐵木真蒙古部人也深沉有謀  
畧用兵如神任木華黎為將相先征西夏次取燕南

山東河北五十餘城還師于燕金人獻子女玉帛繼  
克山西河南威國六中以宋寧宗開禧二年丙寅即  
位於斡難河在位二十三年崩于六盤山理宗紹定  
二年也越二年太子立是為太宗太宗即位用耶律  
楚材為相與宋合兵滅金全有中原輕徭薄賦德量  
寬弘仁愛及物事無過舉刑必詳明國富民安刑平  
事理恢廓先烈遠矣太宗崩后馬真氏臨朝五年定  
宗立定宗為太宗長子宋淳祐六年丙午即位于遠  
茂都母曰六皇后乃馬真氏在位三年而崩壽四十

三后海迷失抱子失烈門垂簾聽政諸王大臣不服  
後二年立皇弟蒙哥是為憲宗憲宗乃太祖第四子  
拖雷之長子以淳祐十一年辛亥即位于潤帖兀阿  
蘭之地先後平大理安南高麗回鶻威震諸國所至  
全城秋毫無犯剛明沉毅沉斷寡言不樂宴遊服御  
儉素后妃亦不踰制秩有家規裁抑權臣政必親決  
凡詔旨皆自起草詳審而行行必當理御臣下雖嚴  
而有恩故人樂為之用宋開慶元年己未崩于釣魚  
山同母弟忽必烈立是為世祖世祖以宋景定元年

庚申即位于開平以女直為相伯顏典兵許衡贊佐  
朝政劉秉忠為太保王嬖賈默妣樞掌詞垣建國號  
定朝儀行鈔法正律曆設官制脩典禮混一區宇會  
同華夷德量寬弘知人善任使信用儒術愛養黎元  
賑災恤饑惟恐不及立經陳紀用夏變夷度越前古  
在位三十五年而崩皇孫鐵木耳立是為成宗成宗  
乃裕宗真金第三子承世祖太平之業垂拱化成罷  
不急之征徭蘭州河清三日月旱免租役地震省刑  
賜高年帛罷白雲宗汰僧尼收僧租親行釋奠禮承

天下混一之後垂拱而治可謂善於守成不幸末年  
寢疾不能視朝國家政事內決於宮闈外決於大臣  
其不至廢墜者去世祖未遠成憲有定也在位十有  
三年而崩皇姪懷寧王海山立是為武宗武宗乃順  
宗答剌麻八剌之長子母曰興聖皇太后弘吉剌氏  
敦崇儒雅罷白蓮宗加封孔子大成至聖文宣王水  
旱賑恤蠲租立平准行用庫例換昏鈔立常平倉以  
權物價豐年糴粟麥凶歲減價糶承富有之業慨然  
欲改法圖治賦封爵過多遙授之官衆錫賚之數隆

泛賞之恩薄然仁孝慈愛優禮大臣足稱守成之主  
在位五年而崩同母弟愛育黎拔力八達立是為仁  
宗仁宗即位之初誅姦臣脫脫虎三寶奴陞周程張  
邵司馬朱張呂許九儒從祀孔廟任李孟宰鈞衡開  
設科舉罷白雲宗旱災星變地震責已服民天性仁  
孝未儉慈祥敦禮崇文服御質素恬淡無欲不事遊  
畋事太后終身不違顏色待宗室勲戚恩禮有隆為  
治孜孜一遵世祖成憲在位九年而崩太子立是為  
英宗英宗名碩德八剌仁宗不豫憂形于色露禱北

辰祈以身代服喪過哀敬禮儒臣開筵聽講日食咎  
已敬天勤民天性剛明彰善癉惡信賞必罰嘗諭丞  
相拜住以祖宗擲風沐雨創業艱難君臣同心共保  
天爵然果於誅戮茲臣也先帖木兒等畏罪遂構大  
變丞相拜住同遇害云時至治四年癸亥八月遇殺  
南坡晉王也孫鉄木兒立是為泰定帝泰定帝乃顯  
宗甘麻刺長子裕宗之嫡孫也是年九月即位于龍  
居河明年申子改元泰定即位之初首誅姦逆以復  
先讐開經筵講說經書擇師傅訓迪王子修祠祀罷

冗官汰衛兵減厩馬節濫賞遣使巡行詢問民瘼服  
荒蠲租省刑罷役敦崇儒雅彬彬文物確中成規風  
俗熙皞而天不永年惜哉致和元年戊辰帝崩於  
上都以自立故文宗登極不為立廟謚止稱為泰定  
帝文宗名圖帖睦爾武宗次子初封懷王即位改元  
天曆即遣使迎兄周王於漠北明年周王即位於和  
寧之北是為明宗明宗名和世疎武宗長子初封周  
王鎮雲南泰定帝崩文宗既立詔曰謹俟大兄之至  
故即位立文宗為皇太子天曆二年八月次旺忽察

都之地暴崩于行在文宗復即皇帝位文宗天性仁  
孝度量恢弘崇尚儒流考索典禮開奎章閣以聽講  
輯經世大典以成典章汰冗官罷土木禮樂文物彬  
彬可述天曆三年庚午改元至順三年壬申五月乙  
巳天鼓鳴于西北八月乙巳天鼓鳴于東北己酉帝  
崩在位五年鄜王懿璘質班即位鄜王乃明宗次子  
母乃蠻氏文宗崩後十月即位十一月遂崩年七歲  
廟號寧宗皇姪妥懽帖睦耳即位是為順帝順帝乃  
明宗長子寧宗之兄母罕祿魯氏名邁來的帝即位

初政清明敦崇儒雅天心上厭災異相仍赤子弄兵  
南北隔絕不思經國遠謀逞欲竒技滯巧寵信讒倖  
妄誅元勛腹心之疾甚於噬臍委置官庭脫身沙漠  
實關天運何辜於人帝以至順四年癸酉即位改為  
元統元年至三年乙亥改至元元年七年辛巳改至  
正元年至二十八年戊申八月  
大明皇帝兵至京夜開建德門北去殂于應昌  
大明皇帝以帝知順天命謚曰順帝元自太祖起宋  
寧宗開禧丙寅至此凡一百六十三年繼大統凡九

十年

小學史斷下集終

刻史斷後

夫南宮氏可謂知史矣史貴詳而  
懼繁尚議而懼踈是故事欲其周  
而核文欲其簡而明識欲其博而  
當論欲其公而盡匪是則泛且戾  
矣是編迺輯約全史載加評實叙

不畧體不遺故鑒以昭識用以達  
政而史氏之法無乎不備故曰可  
謂知史矣其目為小學史斷蓋示  
謙云顧世方徒事涉獵罔知是之  
為要間有知者又不過取為舉業  
之資殊失作者之意予自幼雅好

是編每欲新諸梓以廣其傳茲承  
乏京兆而薊守蔡君賢與予同志  
未幾而李君綦乃克相其成嗟夫  
苟用是以廣見是謂善學推是以  
明治是謂達政其所裨豈小哉然  
此亦吾司牧者之事故為之言

嘉靖戊戌春三月四明後學張木  
識



